

समे – 12:25

<><><><><><>

Parliament

गृहमंत्री अमित शाह हुंदी डॉ. भीमराव अम्बेडकर हुंदे बारै कीती गेदी टिप्पणी गी लेइयै संसद दे दौने सदनें च अज्ज बी शोर शराबा जारी ऐ, जेह्दे चलदे दौनें सदनें दी कारवाई दपैहरी 2 बजे तगर स्थगित करी दित्ती गेई ऐ।

<><><><><><>

JPC-ONOE

सरकार इक देश इक चुनां विधेयक दा मामला अज्ज संयुक्त संसदीय समिति गी सौंपग। इस समिति च लोकसभा दे 21 ते राज्यसभा दे 10 मिंबर शामिल न। समिति च बीजेपी दे पी.पी. चौधरी, अनुराग सिंह ठाकुर, परषोत्तम भाई रूपाला, कांग्रेस नेता प्रियंका गांधी ते मनीष तिवारी, तृणमूल कांग्रेस दे कल्याण बेनर्जी ते राष्ट्रवादी कांग्रेस पार्टी शरद पवार गुट दी सुप्रिया सुले बी शामिल न। इनें बिलें दे अधिकारिक नाह संविधान 129मां संशोधन बिल 2024 ते केन्द्र JPC-ONOE

सरकार इक देश इक चुनां विधेयक दा मामला अज्ज संयुक्त संसदीय समिति गी सौंपग। इस समिति च लोकसभा दे 21 ते राज्यसभा दे 10 मिंबर शामिल न। समिति च बीजेपी दे पी.पी. चौधरी, अनुराग सिंह ठाकुर, परषोत्तम भाई रूपाला, कांग्रेस नेता प्रियंका गांधी ते मनीष तिवारी, तृणमूल कांग्रेस दे कल्याण बेनर्जी ते राष्ट्रवादी कांग्रेस पार्टी शरद पवार गुट दी सुप्रिया सुले शामिल न। इनें बिलें दे अधिकारिक नाह संविधान 129मां संशोधन बिल 2024 ते केन्द्र शासत प्रदेश कनून संशोधन बिल 2024 न।

<><><><><><>

HM Amit Shah

केन्द्रीय गृहमंत्री अमित शाह होर अज्ज नमीं दिल्ली च इक उच्च सतह दी बैठक दी अध्यक्षता करगन। बैठक च जम्मू कश्मीर सनें सुरक्षा सरबन्धी केई महत्वपूर्ण मुद्दे उपपर सोच बचार कीता जाग। जम्मू कश्मीर दे उपराज्यपाल मनोज सिन्हा होर बी इस बैठक च शामिल होंगन। बैठक दा उद्देश्य जम्मू कश्मीर च रमानदारी ते स्थिरता जकीनी बनाने दिएं नीतिएं दी समीक्षा करना ऐ। एह्दे च राष्ट्रीय सुरक्षा सलाहकार अजीत डोभाल, केन्द्रीय गृह सचिव गोविंद मोहन, खुफिया विभाग दे निदेशक तपन डेका, थलसेना प्रमुख उपेन्द्र द्विवेदी, केन्द्रीय

थेआरबंद बलें दे महानिदेशक, जम्मू कश्मीर दे मुख्य सचिव ते पुलस महानिदेशक बी शामिल होंगन। अज्जै आली एह बैठक 16 जून गी राजधानी दिल्ली च लग्गी दी, जम्मू कश्मीर दी सुरक्षा बारे उच्ची सतह दी जायजा बैठक दे कोई 6 महीने बाद लग्गै करदी ऐ।

<><><><><><><>

Encounter

कश्मीर घाटी दे कुलगाम जिले च छिड़े दे इक टाकरे च सुरक्षा बलें 6एं आतंकवादिएं गी मारी मकाया ऐ। आकाशवाणी दे संवाददाता नै जानकारी दित्ती ऐ जे इस कारवाई च सुरक्षा बलें दे दऊं जवान घायल बी होए दे न, जिनेंगी इलाज लेई अस्पताल भेजी दित्ता गेआ ऐ जियां जे पैहले बी खबर दित्ती जाई चुकी दी ऐ जे कश्मीर घाटी दे कुलगाम जिले दे दूर-दरेडे इलाके कददेर च सुरक्षाबलें ते आतंकवादिएं बश्कार टाकरा छिड़ी गेदा हा, पुलसै मूजब जंदी चिरे रातीं इलाके च आतंकवादिएं दी मजूदगी बारै इक पक्की सूह थोने मगरा जिसलै सुरक्षाबलें आसेआ उत्थे घेराबंदी ते तपाशी अभियान चलाया जा करदा हा, तां उत्थे छप्पे दे आतंकवादिएं, सुरक्षाबलें पर अन्नेबाह् गोलीबारी शुरू करी दित्ती जेह्दे मगरा टाकरा भखी पेआ। मारे गेदे आतंकवादिएं दी पंछान अजें नेई होई ऐ ते होर ब्यौरे गी बलगेया जा करदा ऐ।

<><><><><><><>

Minister Satish

ट्रांसपोर्ट मंत्री सतीश शर्मा होरें कल सरबंधत अफसरें दी इक बैठक दी अध्यक्षता करदे होई छम्ब विधानसभा हल्के च ग्रामीण विकास मैह्कमे आस्सेआ बक्ख-बक्ख स्कीमें तैह्त्त तोड़ चाढ़े जा करदे कम्में दी ठोस ते माली प्रगति दा जायजा लैता। बैठक च एमजीनरेगा, प्रधानमंत्री ग्रामीण आवास योजना, ग्रामीण स्वच्छता ते होर 5एं स्कीमें तैह्त्त तोड़ चाढ़े जा'रदे कम्में दी प्रगति ते रफ्तार दा तफसीली जायजा लैता गेआ।

<><><><><><><>

Transport Commissioner

जम्मू कश्मीर दे ट्रांसपोर्ट कमीशनर विशेष पाल महाजन होरें कल मैह्कमे दे एसोसियट लॉ अफसर जतिन सबरबाल गी, खेड्डें च उंदी हालिया उपलब्धिएं लेई समानत कीता। सबरबाल जम्मू कश्मीर रोलर स्केटिंग टीम दा हिस्सा हे, जिन्ने तमिलनाडू दे कोयाम्बटूर च आयोजित मर्दे दी सीनियर रोलर हॉकी राष्ट्रीय चैंपियनशिप च चांदी ते केह् दा तगमा हासल कीता ऐ। कमीशनर होरें जम्मू कश्मीर दा नां बधाने लेई जतिन ते उंदी टीम दी सराहना कीती।

<><><><><><>

Weather

समूलचे जम्मू कश्मीर च ठंडू दा जोर दिनो दिन बधदा जा'रदा ऐ। जम्मू शैहर च जित्थें घट्टोघट्ट तापमान 5.1 डिग्री सैल्सियस दर्ज कीता गेआ उत्थें गै बनिहाल च सिफर कोला 1.9 डिग्री हेठ, उधमपुर च सीफर.1 डिग्री सैल्सियस, पुंछ ते सांबा च 1.1 ते रियासी च 1.4 डिग्री सैल्सियस रिकार्ड कीता गेआ।

<><><><><><>

Sports Weightlifting

भार तुलकने सरबंधी एशियाई युवा ते जूनियर चैंपियनशिप अज्जै थमां कतर दी राजधानी दोहा च शुरू होआ करदी ऐ। एह्दे मुकाबले 40एं श्रेणिएं च होडन जिंदे च 20 जूनियर ते 20 गै युवा स्तर दिआं श्रेण्यां न। एह्दे च जूनियर ते युवा स्तर पर 20—20 मुकाबले होडन। इस चैंपियनशिप च भारत दे 28 खड्दारी हिस्सा लै करदे न। जिंदे चा 15 खडारी 15 कोला 20 ब'रें दी बरेस आले जूनियर डिवीजन च ते 13 खडारी 13 कोला 17 ब8रे आले युवा स्तर च हिस्सा लेंगन। एह् चैंपियनशिप 25 दिसम्बर तोड़ी चलोग।

<><><><><><>